



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 7. De Proditione patefacta.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

6. Quoniam in hoc Sacramento se Christus Panem Angelorum appellat, laborandum nobis est, si quidem, vt par est, hoc pane vesci optamus, vt Angelorum in nobis puritas & mundities epitescat.

7. Corpus & sanguinem suum reliquit nobis Christus sub panis & vini specie; vt quemadmodum ex pluribus granis frumenti panis vnus; & ex pluribus vuarum granis vinū conficitur: sic Christiani omnes, qui huius mysterij participatione se dignos exhiberent, omnes vno huius Sacramenti vinculo iungerentur, ea caritate, quam in primitijs Christianorum floruisse testantur Apostolorū Acta. Multitudinis credentium erat cor vnum, & anima vna.



MEDITATIO VII.
DE PRODITIONE
PATEFACTA.

PVNCTA MEDITATIONIS.

I. *Christo turbato ac dicente: vnus ex vobis me tradet; tristati singuli dixerunt: Nunquid ego sum Domine, &c.* Mar. 26
Mar. 14
Luc. 22.
Ioan. 13.

II. *Ioanni supra pectus eius recumbenti ac roganti: Quis esset? respondit IESVS: cui ego intinctum panem porrexero.*

III. *Intinctum panem dedit Iudæ dicēs:*
L 2 Quod

bus po-
uium,

id pul-
m, &

bibite

n prius
bis ante-
mentum
ndus est,
agenda

t, vt ante
is Deum

um mor-
tatis ab-
um dare,
vt animā

gratiæ &
ristus cum
us indica-

ederat ex
vt vinum
oant. Nos
n aduersa-
Christo; in
particeps

6. Quo

Quod facis, fac citius: statimque
introuit in illum Satanas, ille exiuit;
nec quisquam intellexit discumben-
tium.

FIGVRA.

2. Reg. 15
& 17. **A**CHITOPHEL cùm admissus esset
ad intima Dauidis Regis consilia,
coniuratione contra illum cum Absalo-
ne inita, auctor fuit vt trucidaretur Da-
uid.

PROPHETIÆ.

Psal. 45. **S**i inimicus meus maledixisset mihi, susti-
nuissem utique, & si is qui oderat me su-
per me magna locutus fuisset; abscondissem
me forsitan ab eo.

TV verò homo vnanimis, Dux meus, &
notus meus, qui simul mecum dulces capiebat
cibos.

DOCUMENTA.

1. **C**VM indigni ad sacram mensam accedi-
mus: tum manus tradentis Christum
est in mensa cum ipso. Sic enim in spe-
ciem simulamus, nos inter amicos cupere cum
illo cœnare, reuera lictoribus illum per pec-
cata nostra ad crucem tradimus.

2. Christi lenitatem imitabimur, si nos
subito commoueamur, & ad poenam pro-
ximum & fratrem damnemus, cùm vel im-
perfectionis aliquid in ijs videmus, vel iniu-

riam accipimus. Mansuetus homo potius illum cum amoris significatione subleuabit, & preces ad Deum fundet, vt gratia inter ipsos reintegretur.

3. Misit primùm Diabolus cogitationem proditionis in cor Iudæ, deinde ingressus est ipse ad rem perpetrandam. Principijs cogitationum malarum, & Diabolarum suggestionum obstemus: ne si cum delectatione ijs immoremur, paulatim aperiamus illis ostium cõsensus, quo dẽmon ingressus omni nos spoliaret gratia.

4. Peragamus opera nostra in luce, non in tenebris nocturnis, quod Iudas fecit. Nihil in abdito faciamus, quod idem coram omnibus non essemus facturi. Similiter homines Spiritui dediti & religiosi, caueant, ne quicquam ex actionibus pijs, quas priuatim etiam exercent, occultum esse velint, vt id nec Patribus spiritualibus, nec superioribus aperiant: ne & ipsi, Iudæ instar, in fraudem illecti à Diabolo, præcipitium aliquod incurrant.

5. Erubescamus apud nõs, quod tam parum imitemur caritatem Christi, occultè ille reprehendit, nec proditorem vult prodere: at nos peccata nostra ignota esse cupimus, de alienis & promptè fabulamur, & ea nota esse volumus omnibus.

6. Ioannes, qui gratiam significat, quiescebat in sinu Christi, cui Christus, quis esset proditor secretò aperuit. Laboremus & nos per cordis puritatem, vt apud Dominum gratiosi simus. Sic per contemplationem digni erimus, qui nunc in dulcissimo Christi pectore conquiescamus, vt postmodũ ad arcana illa cœlestia admittamur.

7. Christus passionem & depressionem suam appellat gloriam & claritatem, qua glorificabit illum Deus. Quam diuersa sunt iudicia Dei & hominum. Homines claritatem suam in honoribus, amplitudine, & rebus secundis huius vitæ collocant; Deus aterna sapientia, in contemnendo seipsum & patiendo.



MEDITATIO VIII.
PRAEDICTIO DE SCANDALO DISCIPULORVM,
ET PETRI NEGATIONE.

PVNCTA MEDITATIONIS.

- I. Contentionem quarentium: Quis videretur esse maior? sedat, docens id humilitate obtineri, & suo exemplo confirmat.
- II. Petro significat Sathanam expetisse eum, vt cribraret, sed eius oratione confirmandū ne deficiat; quia & omnes scandalum passuros.
- III. Petro affirmanti se paratum in carcerem & mortem cum ipso ire, praedicit ipsum, ea ipsa nocte, ter esse negaturum: quamuis tam ipse Petrus, quam alij, contrarium sponderent.

FIGV.